

II Concurso escolar de debuxo e redacción do Día Internacional da Muller e a Nena na Ciencia



Universidade de Vigo

II Concurso escolar de debuxo e redacción do Día Internacional da Muller e a Nena na Ciencia

Bases do concurso

1. OBXECTIVOS:

- Promover o coñecemento por parte do alumnado do papel das mulleres na ciencia e na enxeñaría e as súas achegas ao desenvolvemento humano ao longo da historia.
- Establecer un certame que axude a que se visualice o papel das mulleres na ciencia e na enxeñaría e que reflecta como son vistas pola sociedade.
- Chamar a atención do alumnado sobre a ciencia, a enxeñaría e a súa contorna.

2. PARTICIPANTES:

Poderán participar neste concurso de debuxo e redacción o alumnado de Educación Primaria e Educación Secundaria Obrigatoria matriculado en calquera centro educativo que pertenza á provincia de Ourense.

Haberá 2 categorías e 2 modalidades:

- _ Primeira categoría: Educación Primaria.
- _ Segunda categoría: Educación Secundaria Obrigatoria.

3. CARACTERÍSTICAS DAS MODALIDADES

_ **Debuxo:** Técnica libre con calquera material (lapis de cores, rotuladores, recortes para collage...). Presentarase en DIN A4 cun título identificativo. Non deben levar o nome da autora ou autor de forma visible.

_ **Redacción:** Manuscritos que se presentarán en folios brancos DIN A4 escritos por unha soa cara e cunha extensión máxima de 2 folios. Os traballos poderán estar escritos en galego ou en castelán. Non deben levar o nome da autoría de forma visible.

4. TEMÁTICA

O tema común dos traballos tratará sobre a visión do alumnado do papel das mulleres na ciencia con temas como: Que sabes dos descubrimentos das científicas pioneiras? Anímaste a debuxar unha científica? Como teñen contribuído as mulleres no desenrolo da ciencia e a enxeñaría? Tes algunha anécdota ou historia do teu entorno persoal que contar: “miña avoa científica”, “miña prima bióloga”, “miña nai sabia”, “miña tía enxeñeira”?... O tema común dos traballos ten que tratar sobre as mulleres na ciencia e na enxeñaría e deben ser traballos orixinais.

5. PRESENTACIÓN DOS TRABALLOS. FORMA E PRAZO

Os traballos presentaranse de acordo coas características dadas no punto 3 destas bases. Cada estudante poderá participar exclusivamente nunha das modalidades cun único traballo, no que se indicará: título, curso e centro educativo. O centro escolar realizará una preselección dos traballos presentando como máximo 6 traballos de primaria e 6 traballos de secundaria.

Unha vez realizada a preselección, o centro elaborará unha listaxe cos traballos preseleccionados indicando nunha folla o nome completo e idade da autora ou autor, o curso escolar e o título do traballo. Esta listaxe introducirase xunto cos traballos, que non deben levar o nome da autoría de forma visible, nun sobre que será remitido ao rexistro auxiliar do Campus de Ourense situado no Edificio Administrativo. Campus Universitario As Lagoas 32004 Ourense con data límite o **15 de xaneiro as 14:30 horas**. Previamente, os traballos pódense mandar dixitalizados ao enderezo mulleresnaciencia@esei.uvigo.es

6. SELECCIÓN DOS TRABALLOS E DECISIÓN DO XURADO

A selección final dos traballos gañadores realizarase por proposta dun xurado e comunicarse os nomes das persoas gañadoras directamente ao centro, facendo pública a decisión a través da web e diferentes medios da Universidade de Vigo. O xurado pode excluír traballos non relacionados co tema proposto no concurso.

A decisión do xurado será inapelable. O nome das premiadas e premiados farase público e a entrega de premios será o día 7 de febreiro do 2018, nun evento especial que terá lugar no edificio Politécnico do Campus de Ourense. Ese día exporanse todos os debuxos e entregarase diploma acreditativo a cada participante

Criterios de avaliación

_ Debuxo: valorase a calidade técnica, orixinalidade, creatividade e tratamento da temática do concurso.

_ Redacción: estilo, capacidade de razoamento, orixinalidade e tratamento da temática do concurso.

Composición do xurado

O xurado estará composto por docentes da Facultade de Ciencias, da Escola de Enxeñaría Aeronáutica e do Espazo e da Escola Superior de Enxeñaría Informática do Campus de Ourense.

7. PREMIOS POR CATEGORÍA E MODALIDADE

Modalidade de Debuxo

- _ Primeiro premio: tablet, libro, usb e diploma
- _ Segundo premio: libro, usb e diploma
- _ Terceiro premio: libro, usb e diploma

Modalidade de Redacción

- _ Primeiro premio: tablet, libro, usb e diploma
- _ Segundo premio: libro, usb e diploma
- _ Terceiro premio: libro, usb e diploma

8. DISPOSICIÓN DOS TRABALLOS

Os traballos premiados pasarán a ser propiedade da organización do concurso e as autoras e autores cederán os dereitos de reprodución das súas obras.

A participación neste concurso, implica a aceptación destas bases e a decisión do xurado.

Información

Para calquera dúbida ou aclaración pódese escribir ao seguinte enderezo electrónico: mulleresnaciencia@esei.uvigo.es

11 DE FEBREIRO. *Día Internacional da Muller e a Nena na Ciencia*

II Concurso escolar de debuxo e redacción do Día Internacional da Muller e a Nena na Ciencia

